



Bosnia and Herzegovina
Federation of Bosnia and Herzegovina

CANTON SARAJEVO
Ministry of Internal Affairs

Broj: 01-9-02-2-5270/22
Sarajevo, 28.09.2022.godine

SKUPŠTINA KANTONA SARAJEVO
n/r predsjedavajućeg Skupštine

PREDMET: Odgovor na zastupničku inicijativu zastupnika Handžić Vibora-dostavlja se;

VEZA: Vaš akt broj:01-04-29326-47/22 od 02.09.2022. godine;

U skladu sa članom 219. stav 3. Poslovnika Skupštine Kantona Sarajevo ("Službene novine Kantona Sarajevo"- Drugi novi prečišćeni tekst br. 41/12, 15/13, 47/13, 47/15 i 48/16), dostavljamo odgovor na zastupničku inicijativu, koju je uputio zastupnik Handžić Vabor, na 54. Radnoj sjednici Skupštine Kantona Sarajevo.

S poštovanjem,

Prilog:

- Akt Uprave policije broj:02/11-1-03-3-3155/22 od 27.09.2022. godine;
- CD x1.



PO OVLASTENJU PREMIJERA

ministar Dr.sc. Omer Osmađević

Dostaviti:

1. Naslovu;
2. Stručna služba Vlade Kantona Sarajevo;
3. a/a.



Bosna i Hercegovina
Federacija Bosne i Hercegovine
KANTON SARAJEVO
MINISTARSTVO UNUTRAŠNJIH POSLOVA
UPRAVA POLICIJE
SARAJEVO

Broj: 02/11-1-03-3-3155/22.

Datum: 27.09.2022. godine

MUP KANTONA SARAJEVO
n/r sekretara

PREDMET: Vibor Handžić, zastupnička inicijativa, odgovor, dostavlja se,-

VEZA: Akt MUP-a Kantona Sarajevo broj 01-9-02-2-5270/22 od
08.09.2022. godine;

Zastupnička inicijativa:

Zastupnik Vibor Handžić na 54. Redovnoj sjednici Skupštine Kantona Sarajevo, održanoj dana 27.07.2022. godine, podnio je Ministarstvu saobraćaja i Ministarstvu unutrašnjih poslova zastupničku inicijativu razmatranje načina prevencije kretanja motornih vozila neprilagođenom brzinom na dva lokaliteta na Južnoj longitudinali (ulica Safeta Hadžića):

- Pješački prelaz u naselju Aneks, pred Sudom Bosne i Hercegovine;
- Pješački prelaz između Olimpiskog naselja i Alipašinog polja (B-faza) kod sportske dvorane Ramiz Salčin.

Odgovor na zastupničku inicijativu:

Izvršenom analizom saobraćajnih nezgoda koje su se dogodile u 2021. godini i u proteklom periodu 2022. godine, na pješačkim prelazima u ulici Safeta Hadžića pored zgrade Suda Bosne i Hercegovine i kod sportske dvorane „Ramiz Salčin”, u Policijskoj stanici Novi Grad evidentirana je ukupno 1 saobraćajna nezgoda na pješačkom prelazu i to kod zgrade Suda Bosne i Hercegovine, koja se dogodila dana 01.06.2022 godine u 19,30 sati, a u kojoj je jedan pješak zadobio teške tjelesne povrede. Izvršenim obilaskom pomenute ulice, u neposrednoj blizini pješačkog prelaza kod sportske dvorane „Ramiz Salčin”, uočen je vidno postavljen saobraćajni znak „Ograničenje brzine kretanja na 40 km/h” i obilježeni pješački prelaz, a kod zgrade Suda Bosne i Hercegovine, uočen je

obilježeni pješački prelaz, dok u blizini istog nema postavljen saobraćajni znak ograničenja brzine. Posmatrajući saobraćaj u navedenoj ulici, uočeno je da od ranih jutarnjih sati pa do predvečerja, navedenom ulicom saobraća veliki broj vozila, te se stvaraju kolone vozila koje se kreću usporeno.

Također vas obavještavamo da je na sjednici Ekspertne radne grupe, održanoj dana 20.09.2022. godine, pažljivo razmotrena predmetna inicijativa, kojom prilikom je jednoglasno donesena odluka da inicijativa nije u nadležnosti ove radne grupe.


Shodno navedenom, predlažemo da Ministarstvo saobraćaja Kantona Sarajevo, u skladu sa svojim nadležnostima, iznađe rješenje, te da se na mjestima gdje su već ocrtni pješački prelazi, izgrade novi uzdignuti pješački prelazi koji će biti precizno definisani da ne predstavljaju probleme za vozila javnog gradskog prevoza, teretna vozila i poteškoće za vrijeme zimskog održavanja puta.

S poštovanjem,



POLICIJSKI KOMESAR
Generalni inspektor policije

Nusret Selimović



Bosnia and Herzegovina
Federation of Bosnia and Herzegovina

CANTON SARAJEVO
Ministry of Internal Affairs

Broj: 01-9-02-2-5391/22
Sarajevo, 28.09.2022.godine

GRAD SARAJEVO

PREDMET: Odgovor na inicijativu gradske vijećnice Enise Spahić-dostavlja se;

VEZA: Vaš akt broj:05-04-58451-1/22 od 15.09.2022. godine;

Aktom, broj i datum veze dostavili ste inicijativu gradske vijećnice Enise Spahić, a koja se odnosi na mjerama koje preduzimaju nadležni organi u vezi sprečavanja pojave prosjačenja. Navedena inicijativa je u nadležnosti Uprave policije, čiji odgovor u prilogu akta dostavljamo.

S poštovanjem,

Prilog:

-Akt Uprave policije broj:02/2-02-2-6637/22 od 28.09.2022. godine;



Dostaviti:

1. Naslovu;

3. Za objavu na web stranici MUP-a;

3.a/a.



Adresa: Sarajevo, La Benevolencija 16

Tel: + 387 (0)33 286-701, 286-702.

Fax: + 387 (0)33 226-445

Web: <http://mup.ks.gov.ba>, Email: ministar@mup.ks.gov.ba

Bosna i Hercegovina
Federacija Bosne i Hercegovine
KANTON SARAJEVO
MINISTARSTVO UNUTRAŠNJIH POSLOVA
UPRAVA POLICIJE
SARAJEVO

Broj: 02/2-02-2-6637/22
Datum: 27.09.2022. godine

MINISTARSTVO UNUTRAŠNJIH POSLOVA KANTONA SARAJEVO
- n/r sekretara

PREDMET: Zastupnička inicijativa zastupnice Spahić Enise, odgovor, dostavlja se;

VEZA: Vaš akt broj: 01-9-02-2-5391/22 od 19.09.2022. godine

Na 18. sjednici Gradskog vijeća Grada Sarajeva održanoj dana 26.07.2022. godine gradska vijećnica Spahić Enisa je uputila inicijativu sljedećeg sadržaja:

„Molim nadležne da mi dostave informaciju šta se poduzima na smanjenju prosjačenja ulicama Grada Sarajeva posebno u vrijeme turističke sezone?“

Svjedoci smo da tokom ljetne turističke sezone prosjaci preplave sarajevske ulice, ponekad znaju biti veoma uporni i napadni čime se svakodnevno narušava slika grada, poseban problem je prisilno prosijačenje, zloupotreba djece čime se krše prava djeteta.“

ODGOVOR:


Policijski službenici Uprave policije MUP-a Kantona Sarajevo, u toku ljetne turističke sezone 2022. godine, preduzeli su planske aktivnosti koje su obuhvatile niz preventivnih i represivnih mjera kako bi se unaprijedilo stanje sigurnosti po problematici prosjačenja, gdje je izmedog ostalog urađeno sljedeće:

- nadležnim organizacionim jedinicama Uprave policije naloženo je da sačine nove, odnosno revidiraju postojeće planove rada koji će obuhvatiti sistematično i plansko postupanje policijskih službenika radi preduzimanja preventivnih i represivnih aktivnosti u odnosu sve oblike prosjačenja, kao i sve oblike nedozvoljenog zadržavanja na raskrsnicama, preprodaju različitih artikala, te pranja vjetrobranskih stakala, kao i da revidiraju, odnosno sačine nove planove rada na preduzimanju preventivnih i represivnih aktivnosti u odnosu na krivično djelo iz člana 286. Krivičnog zakona Federacije BiH /Krada/, posebno tzv. „džepna krađa“,
- formirane su mješovite ekipe -- timovi od policijskih službenika Uprave policije MUP-a Kantona Sarajevo i službenika Kantonalnog centra za socijalni rad Kantona Sarajevo - mobilnog tima za prevenciju prosjačenja, čiji je zadatak prvenstveno bio postupanje prema djeci koja se zateknu u vršenju radnji prosjačenja, kao i preduzimanje zakonom propisanih mjera i radnji prema punoljetnim osobama koja vrše radnje prosjačenja,

- formirani su i timovi policijskih službenika iz Sektora kriminalističke policije i policijskih uprava koji su preduzimali planskih mjere i radnje na sprječavanju izvršenja krivičnih djela iz člana 286. KZFBiH (Krađa) sa posebnim akcentom na tzv „džepne krađe”, na štetu turista.

Pored navedenih aktivnosti koje su trajale svakodnevno tokom turističke sezona i dalje se kontinuirano provode redovne planske aktivnosti organizacionih jedinica Uprave policije na sprječavanju i sankcionisanju osoba koja vrše prosjačenja na području Kantona Sarajevo.

S poštovanjem,


POLICIJSKI KOMF SAR
Generalni inspektor policije
[Redacted]
Nusret Selimović



Bosnia and Herzegovina
Federation of Bosnia and Herzegovina
CANTON SARAJEVO
Ministry of Internal Affairs

Broj: 01-9-02-2-4979/22
Sarajevo, 12.09.2022.godine

URED ZA BORBU PROTIV KORUPCIJE I UPRAVLJANJE KVALITETOM

PREDMET: Odgovor na zastupničku inicijativu zastupnice Admele Hodžić-dostavlja se;

VEZA: Vaš akt broj:01-02-3334/22-14/23;

U vezi akta, broj i datum veze, obavještavamo vas da Ministarstvo unutrašnjih poslova Kantona Sarajevo, kao ugovorni organ, shodno odredbama Zakona o javnim nabavkama i u konkretnom slučaju, Uputstva o uslovima i načinu objavljivanja obavještenja i dostavljanja izvještaja u postupcima javnih nabavki u informacionom sistemu "e-Nabavke" kao i Uputstva o objavi osnovnih elemenata ugovora i izmjena ugovora, poštuje opći princip transparentnosti postupka javne nabavke u svim fazama, kako do zaključenja ugovora/okvirnih sporazuma tako i poslije.

Naime, za sve postupke javne nabavke koje provodi Ministarstvo vrše se sljedeće objave, i to:

- na zvaničnoj web stranici Ministarstva objavljuje se Plan nabavki i sve njegove izmjene, posebne odluke o pokretanju postupaka, odluke o pokretanju za svaki postupak, svaki zaključeni ugovor/okvirni sporazum, tromjesečni izvještaj o realizaciji zaključenih ugovora,
- na portalu www.ejn.gov.ba objavljuju se Obavještenja o nabavci i sve eventualne izmjene, unose zaključeni ugovori/okvirni sporazumi, a nakon unosa i Obavještenja o dodjeli ugovora (osim za direktne sporazume),
- u Službenom glasniku BiH objavljuju se sažeci gore pomenutih obavještenja (osim za konkurentске zahtjeve za dostavu ponuda i direktne sporazume) i
- na portalu www.ejn.gov.ba se unosi i svaki provedeni direktni sporazum.

Svi postupci javne nabavke, osim direktnih postupaka koje provodi Sektor komercijalnih poslova, se provode komisijски. Komisiju već nekoliko godina, pored članova iz Ministarstva čine i dva člana koji su izvan ovog ugovornog organa, a rješenje o imenovanju komisije za javne nabavke se isto tako objavljuje na zvaničnoj web stranici Ministarstva.

Osim toga u okviru Ministarstva unutrašnjih poslova Uprava policije je samostalan budžetski korisnik, postupak javnih nabavki provodi samostalno o čemu Informaciju pripremljenu od strane Uprave policije dostavljamo u prilogu.



Napomena: Zastupnica u Skupštini Kantona Sarajevo Admela Hodžić inicira i traži da Vlada Kantona Sarajevo donese Uredbu ili predloži zakonsko rješenje kako bi se, kako navodi obezbjedila puna transparentnost procesa javnih nabavki, međutim kako je Zakon o javnim nabavkama donesen na državnom nivou, provedbene propise, odnosno podzakonske akte iz predmetne oblasti može donositi/usvajati državni nivo vlasti, u konkretnom slučaju Vijeće Ministara BiH.

S poštovanjem,

Prilog:

-Informacija MUP, Uprava policije
broj:02-11-4-5887/22 od 26.08.2022. godine;



PO OVLAŠTENJU PREMIJERA

Ministar Dr.sc. Omer Osmanović

Dostaviti:

1. Naslovu;
2. Stručna služba Vlade Kantona Sarajevo;
3. a/a.



Bosna i Hercegovina
Federacija Bosne i Hercegovine
KANTON SARAJEVO
MINISTARSTVO UNUTRAŠNJIH POSLOVA
UPRAVA POLICIJE
SARAJEVO

Broj: 02-11-4-588/22
Datum: 26.08.2022. godine

MINISTARSTVO UNUTRAŠNJIH POSLOVA
- MINISTRU -

PREDMET: Informacija, - dostavlja se;
VEZA: Vaš akt, broj: 01-9-02-2-4979 od 22.08.2022. godine

Shodno aktu, broj i datum veze, dostavljamo vam informaciju da Uprava policije Ministarstva unutrašnjih poslova Kantona Sarajevo, kao ugovorni organ, u provođenju postupaka javnih nabavki postupa u skladu sa odredbama Zakona o javnim nabavkama („Službeni glasnik BiH“, broj: 39/14) i pratećim podzakonskim aktima iz ove oblasti, sa akcentom u ovoj konkretnoj situaciji na Uputstvo o uslovima i načinu objavljivanja obavještenja i dostavljanja izvještaja u postupcima javnih nabavki u informacionom sistemu "e-Nabavke" ("Službeni glasnik BiH" broj 90/14 i 53/15), kao i Uputstvo o objavi osnovnih elemenata ugovora i izmjena ugovora ("Službeni glasnik BiH" broj 56/15). Uprava policije, kao ugovorni organ, postupa u svim fazama postupka do zaključenja ugovora, ali i u njegovoj realizaciji, poštujući opći princip transparentnosti postupka javne nabavke. Za sve, do sada, provedene nabavke izvršene su objave o realizaciji na portalu ejn.gov.ba, na zvaničnoj web stranici Ministarstva, te u Službenom glasniku BiH (zavisno od vrste postupka koji je proveden), a u skladu sa gore navedenim pozitivnim pravnim propisima. Takođe, na zvaničnom web portalu Ministarstva objavljujemo i tromjesečni izvještaj o realizaciji zaključenih ugovora. S obzirom na specifičnost ovog organa, u određenim nabavkama obavezni smo primjenjivati Pravilnik o dodjeli ugovora iz oblasti odbrane i sigurnosti („Službeni glasnik BiH“, broj: 60/15), a što u pojedinim slučajevima podrazumijeva i primjenu Zakona o zaštiti tajnih podataka („Službeni glasnik BiH“ broj: 54/05 i 12/09) i Pravilnik o industrijskoj sigurnosti („Službeni glasnik BiH“ broj: 55/17).

U ovom periodu provodimo postupak koji zahtjeva primjenu propisa iz prethodnog pasusa. Kako bismo izbjegli bilo kakve nedoumice i moguće propuste u primjeni odredbi u toku provođenja postupka, prethodno su održavani i sastanci sa Agencijom za javne nabavke BiH, te upućivani upiti Uredu za borbu protiv korupcije i upravljanje kvalitetom Kantona Sarajevo.

Ured za borbu protiv korupcije i upravljanje kvalitetom Kantona Sarajevo nas je informisao da podaci, odnosno dokumenti koji su označeni sa oznakom utvrđenog stepena tajnosti – se ne moraju unositi u Registar iz razloga što se u konkretnom slučaju radi o nabavci sa oznakom tajnosti i što se u postupku provođenja iste primjenjuju posebni propisi koji tretiraju pitanje tajnih podataka.

Kada su u pitanju nabavke iz kreditnih sredstava, proveden je postupak za nabavku vozila za specijalne namjene -vodenog topa, putem ograničenog postupka, ugovor je zaključen i krajnji rok za isporuku je 29.09.2022. godine, dok je postupak nabavke mini video kamera u toku.

U planu nabavki za 2022. godinu, Uprava policije je planirala dvije nabavke koje se finansiraju iz kreditnih sredstava i koje su obuhvaćene Odlukom Vlade Kantona Sarajevo o zaduženju za kredite ("Službene novine Kantona Sarajevo", broj 32/22 od 11.08.2022.godine), a to su:

nabavka specijalne opreme (vozila za specijalne namjene blindirana vozila za specijalne namjene)

sistema za vještačenje.

Komisije za provođenje ovih postupaka su imenovane i u toku je priprema tenderskih dokumentacija.

Napominjemo da dostavljenim aktom, broj i datum veze, nije dato nikakvo uputstvo kada, u kom vremenskom periodu i kome je eventualno potrebno dostavljati finansijske izvještaje i druge informacije iz dostavljene inicijative.

Moramo napomenuti i da donošenje bilo kakve Uredbe ili Zakona kojim ugovori koje potpisuje Vlada KS ili ministarstva u Vladi KS neće imati nikakvu oznaku tajnosti ili povjerljivosti, iz inicijative samostalne zastupnice u Skupštini Kantona Sarajevo Admele Hodžić, nije u nadležnosti kantona. Javne nabavke su u nadležnosti države i provedbene propise, odnosno podzakonske akte iz te oblasti može donositi, odnosno usvajati državni nivo vlasti, u skladu sa Zakonom o javnim nabavkama podzakonske akte iz ove oblasti donosi Vijeće Ministara BiH. U skladu sa naprijed navedenim predlažemo da se inicijativa uputi na pravu/nadležnu adresu.

S poštovanjem,



Dostaviti:

- Naslovu
- a/a